

Bosna i Hercegovina
Federacija Bosne i Hercegovine
Zeničko-dobojski kanton
OPĆINA VAREŠ
OPĆINSKO VIJEĆE



Broj: 01-229/18
Vareš, 29.11. 2018. godine

Z A P I S N I K
sa 20. sjednice Općinskog vijeća Vareš,
održane 31.10. 2018. godine

Adis Čizmo – predsjedavajući Općinskog vijeća Vareš, otvorio je 20. sjednicu s početkom u 16,00 sati, u velikoj sali Općine Vareš.

Izvršena je prozivka vijećnika.

Prisutni vijećnici: Ajanović Mirnes, Čizmo Adis, Džafo Dženan, Islamović Emir, Kamenjaš Alma, Kamenjaš Kenan, Kevrić Demo, Mario Marošević. Mirčić Mario, Muftić Safeta, Muftić Anel, Mušanović Nedžad, Riđić Kruno, Romić Branko, Rožajac Elvir, Šimić Igor, Šimić Nikola i Turki Fadila.

Odsutni: Fatić Ilhana.

Pored vijećnika sjednici prisustvuju: Općinski načelnik – gosp. Zdravko Marošević, sekretar Općinskog vijeća – gosp. Leon Pavlović, pomoćnici općinskog načelnika – gosp. Ermin Musa, gosp. Čedomir Jelić i gosp. Ibrahim Spahić, ispred Službe za privredu, finansije i trezor – gosp. Boro Anđić, zamjenik općinskog pravobranioca – godp. Damir Arnautović, predsjednici političkih partija i predstavnici medija.

Na prijedlog Općinskog načelnika, vijećnici su odali počast nedavno nastradalim policajcima MUP-a Sarajevskog kantona.

Sekretar OV Leon Pavlović izvijestio je Vijeće o zaključcima i odgovorima na postavljena vijećnička pitanja sa 19. sjednice OV održane 30.07.2018. godine. Na 19. sjednici donesen je jedan (1) zaključak koji se odnosi na usvajanje Izvještaja o radu JU Opća biblioteka Vareš koji je bio na dnevnom redu, postavljeno je trinaest (13) vijećničkih pitanja. Na sva pitanja usmeno je odgovorio Općinski načelnik na samoj sjednici, isti odgovori su dostavljeni i pismeno podnosiocima vijećničkih pitanja.

Općinski načelnik gosp. Zdravko Marošević u okviru aktuelne problematike na području općine Vareš za današnju sjednicu izvijestio je Vijeće da je zadovoljan provedbom Općih izbora u našoj općini. U proteklom periodu sprovodile su se redovne aktivnosti organa uprave. Godina je bila puna raznih društvenih dešavanja. Predložio je da se vijećnicima da mogućnost postavljanja više od dva vijećnička, pošto duži period nije bilo sjednica OV, a Poslovníkom o radu OV propisano je postavljenje dva vijećnička pitanja.

adresa: Zvijezda 34, 71330 Vareš
identifikacijski broj: 4218285300002
depozitni račun Unicredit banka:
3380002210017420

tel.: 00387 32 848 100;
fax: 00387 32 848 150;
web: www.vares.info
e-mail: vares@bih.net.ba



(Vijećnička pitanja)

Vijećnička pitanja

Elvir Rožajac

1. Šta je sa uličnom rasvjetom u naselju Ljepovići? (više puta upućeno pitanje, dao je pojašnjenje)
2. Zatražio je saniranje parkinga kod radionice Prkić i prilaza istom. Naglasio je da se niska auta oštećuju. (dao je pojašnjenje)

Kruno Ridić

3. Pitanje postavio predsjedavajućem OV- Da li postoji mogućnost da ovo Vijeće ili jedna njegova radna grupa posjeti gradove koji su napravili zapažene rezultate vezano za realan sektor? (zapošljavanje, privlačenje investitora, otvaranje novih pogona..) (dao je pojašnjenje)
4. Pitanje postavio Općinskom načelniku- Možete li nam reći kada će biti isplaćeni poticaji iz 2017.godine za pčelare općine Vareš?

Mirnes Ajanović

5. Zatražio je da se načelnik očituje oko problema koji su nam saopštili građani tokom obilaska mjesnih zajednica u predizbornom ciklusu . Dokle se došlo sa rješavanjem tih problema i realizaciji projekata prema nekim MZ (Budoželje-problemi sa vodom, Kadarići- problemi puta, Stpuni Do, rasvjeta)? (dao je pojašnjenje)
6. Da li se može riješiti problem mještana mnogih MZ – nedostatak signala za Radio Bobovac. (dao je pojašnjenje)

Fadila Turki

7. Molba građana-Traži odgovor i pojašnjenje u vezi izvršenja protiv građana koji nisu redovno plaćali naknade po osnovu komunalne i građevinske osnove po Rješenjima organa uprave Općine Vareš? (dala je pojašnjenje)

Safeta Muftić

8. Pitanje postavljeno u ime mještana Kadarića- Jesu li na račun Općine legla sredstva u iznosu od 5.000 KM od strane Ministarstva za boračka pitanja koja su namijenjena za uređenje spomen česme u selu?
9. Zašto se prilikom rušenja objekata (kuća Kate Crepulja) teren ne očisti do kraja?
- Koliko smo mi moćni kao OV da vlasnika bivše Separacije „ natjeramo“ da očisti gomilu kamenja koja je ostala.? (Ako Vijeće ima tu mogućnost/moć – podnijela bi Inicijativu da Vijeće uputi dopis vlasniku „Separacije“ kako bi se uredio plato) (dala je pojašnjenje)

Branko Romić

10. Koliko je još procentualno/brojčano ostalo neisporučenih tura drva za penzionere?(dao je pojašnjenje)

Dženan Džafo

11. Da li se sanacija Grba Općine Vareš koji se nalazi u MZ Vareš Majdan može uvrstiti u neku listu neophodnih zahvata koji se mogu realizirati u narednom vremenskom periodu? (dao je pojašnjenje)
12. Da li se na putu prema naseljenom mjestu Mlakve mogu poduzeti određene sanacione mjere koje bi doprinijele stabilizaciji ovog kritičnog mjesta? (dao je pojašnjenje)

Anel Muftić

13. Zatražio je da se pojačaju i osposobe rasvjetna tijela u MZ Vareš Majdan. (dao je pojašnjenje)
14. Traži da se dostavi informacija o datim odnosno utrošenim sredstvima udruženjima i organizacijama građana. Koliko je sredstava utrošeno i donirano?

Demo Kevrić

15. Postoji li mogućnost da se izvrše sve potrebne pripreme za zimsko održavanje lokalnih puteva?
16. Traži da se, tamo gdje postoje uslovi, izgrade niše za odlaganje smeća u MZ i u gradu također.
17. Traži da se uradi sanacija dionice puta Pajtov Han- Striježevo postoje dva mjesta gdje je put potonuo. Trebalo bi da se na dva mjesta po 15 metara isječe asfalt i stavi novi. Dao je pojašnjenje)

Predložio je Inicijativu da se u Varešu u narednom periodu omogući naziv jednoj ulici ili trgu, da se zove Ulica žrtava genocida u Srebrenici ili Trg žrtava genocida u Srebrenici. (dao je pojašnjenje) Predsjedavajući OV sugerisao je vijećniku da Inicijativu pismeno dostavi Vijeću.

Općinski načelnik je dao svoje mišljenje o ovoj inicijativi:“ Zna se kako ide procedura. Moje mišljenje je da je bolje staviti ulicu ili trg za stradanje civila u prošlom ratu. Ali to ne odlučujemo samo mi nego i javnost, a ja se slažem sa svim rješenjima.

Alma Kamenjaš

18. Pitanje za JKP- Može li se riješiti pitanje postavljanja niše i kontejnera na lokalitetu Kiseljaka u Dabrinama ? (dala je pojašnjenje)

Nedžad Mušanović

19. Pitanje za Općinskog načelnika- Da li je upoznat sa situacijom vezanom za rasvjetu u MZ Zubeta (rasvjeta je postavljena ali se ne pali) i koliko je novaca potrebno da se taj problem riješi?

Općinski načelnik i predsjedavajući OV na postavljena vijećnička pitanja, dali su usmene odgovore na samoj sjednici.

Predsjedavajući OV stavio je na raspravu Zapisnik sa 19. sjednice OV.

Nije bilo primjedbi i predsjedavajući OV stavio je na izjašnjanje Zapisnik sa 19. sjednice OV i nakon izjašnjanja vijećnika konstatuje da je **sa 17 glasova „ZA“ i 1 „SUZDRŽANIM“ glasom usvojen Zapisnik sa 19. sjednice OV.**

Predsjedavajući OV stavio je na raspravu Zapisnik sa 1. Vanredne sjednice OV.

Nije bilo primjedbi i predsjedavajući OV stavio je na izjašnjanje Zapisnik sa 1. Vanredne sjednice OV i nakon izjašnjanja vijećnika konstatuje da je **sa 17 glasova „ZA“ i 1 „SUZDRŽANIM“ glasom usvojen Zapisnik sa 1. Vanredne sjednice OV.**

Predsjedavajući OV stavio je na raspravu prijedlog dnevnog reda za 20. sjednicu OV koji je usaglašen na Kolegiju Općinskog vijeća.

Sekretar OV skrenuo je pažnju na tehničku grešku u nazivu 11. tačke dnevnog reda.

Predsjedavajući OV stavio je na izjašnjanje prijedlog dnevnog reda 20. sjednice OV.

Nakon izjašnjanja vijećnika predsjedavajući OV konstatuje da je **sa 16 glasova „ZA“ i 2 „SUZDRŽANA“ glasa usvojen sljedeći**

D n e v n i r e d

1. Izvještaj/Izvješće o izvršenju budžeta/proračuna Općine Vareš za period januar/siječanj – juni/lipanj 2018. godine.
Izvjestilac : Općinski načelnik.
2. Prijedlog Odluke o izmjenama i dopunama Odluke o općinskim administrativnim taksama.
Izvjestilac: Čedomir Jelić.
3. Prijedlog Odluke o utvrđivanju statusa javnog dobra u općoj upotrebi.
Izvjestilac: Ermin Musa.
4. Prijedlog Odluke o osnivanju Poslovne zone „Kram“.
Izvjestilac: Ermin Musa.
5. Prijedlog Odluke o izmjeni Odluke o prosječnoj konačnoj građevinskoj cijeni 1m² korisne stambene površine na području općine Vareš za 2017. godinu.
Izvjestilac: Ermin Musa.

- 6.** Prijedlog Saglasnosti o zauzimanju dijela putnog pojasa izgradnje spomen obilježja-
česme na lokalnom putu Pajtov Han-Striježevo.
Izvjestilac : Ermin Musa.
- 7.** Prijedlog Saglasnosti o zauzimanju dijela putnog pojasa radi izgradnje spomen obilježja u
MZ Ligatići, općina Vareš.
Izvjestilac : Ermin Musa.
- 8.** Prijedlog Programa finansiranja komunalnih djelatnosti za 2019. godinu.
Izvjestilac: Ermin Musa.
- 9.** Izvještaj /Izvyješće o realizaciji Programa rada Općinskog vijeća Vareš za prvo
polugodište 2018. godine.
Izvjestilac: Sekretar OV
- 10.** Informacija o stanju lokalne i regionalne putne mreže na području općine Vareš.
Izvjestilac: Ermin Musa.
- 11.** Informacija o rekonstrukciji i izgradnji regionalnog puta R-444 Podlugovi-Breza-Vareš-
Vijaka-Podlamsko i R-444a Vareš-Bobovac-Kraljeva Sutjeska.
Izvjestilac: Ermin Musa.
- 12.** Informacija o stipendiranju i stipendistima općine Vareš u 2017/2018. godini.
Izvjestilac: Čedomir Jelić.
- 13.** Informacija o stanju u oblasti prevoza u lokalnom i međugradskom saobraćaju na
području Općine Vareš.
Izvjestilac : Ermin Musa.
- 14.** Informacija o stanju domova kulture, prostorija MZ-a i opremljenosti istih na području
općine Vareš.
Izvjestilac: Čedomir Jelić.
- 15.** Informacija o stanju i održavanju nacionalnih i kulturno – historijskih spomenika i
spomen-obilježja na području općine Vareš.
Izvjestilac: Čedomir Jelić.

16. Tekuća pitanja.

Ad. 1.

(Izveštaj/Izvješće budžeta/proračuna Općine Vareš za period januar/siječanj – jun/lipanj 2018. godine.)

Komisija za privredu, finansije i budžet na 10. sjednici održanoj 24.10.2018. godine jednoglasno je donijela sljedeće Zaključke:

1. Komisija prihvata Izveštaj/Izvješće o izvršenju budžeta/proračuna Općine Vareš za period januar/siječanj – juni/lipanj 2018. godine, te ga upućuje Vijeću na razmatranje.
2. Komisija izražava nezadovoljstvo zbog prevelikog probijanja određenih stavki rashoda i ponovo sugeriše Općinskom vijeću, Općinskom načelniku i nadležnoj službi da se mjerama i aktivnostima izvrši racionalizacija troškova i da se krene sa realizacijom Odluke o trezorskom poslovanju.

Otvorena je rasprava u kojoj su svoja mišljenja, primjedbe, prijedloge, pitanja i stavove iznijeli vijećnici: Kruno Riđić (iznio stav Kluba DF da neće podržati ovu tačku dnevnog reda i dao pojašnjenje o tome, postavio je pitanje u vezi Interne kontrole trošenja budžetskih sredstava i Pravilnika o internim kontrolama), Fadila Turki (podržat će ovu tačku dnevnog reda i sugeriše na izradi rebalansa), Branko Romić (iznio stav Kluba SDP da neće podržati ovu tačku dnevnog reda, alarmantan je dug prema potraživačima), Emir Islamović (iznio stav Kluba SDA da će podržati ovu tačku dnevnog reda uz Zaključke Komisije za privredu, finansije i budžet, da se krene u dogovor sa Poreskom upravom vezano za izradu plana izmirivanja dugovanja na osnovu poreza), Đemo Kevrić (Vijeće treba upoznati o dugovanjima iz prethodnih godina, apeluje da se za novembar mjesec uradi Rebalans budžeta i u obrazloženju navedu dugovanja iz prethodnih godina), Safeta Muftić (mišljenja je da se treba pristupiti izradi Rebalansa i mjera štednje i da je nadležna služba trebala objasniti razloge nastanka budžetske neravnoteže), Mario Mirčić (Klub HDZ će podržati ovu tačku dnevnog reda i predlažu da Zaključak Vijeća bude u cijelosti drugi Zaključak Komisije za privredu, finansije i budžet), Elvir Rožajac („Naša stranka“ neće podržati ovu tačku dnevnog reda, dao je pojašnjenje), Mirnes Ajanović (iznio je svoje mišljenje o radu Općinskog načelnika i eventualnom usvajanju Izveštaja), predsjedavajući OV Adis Čizmo skrenuo je pažnju vijećniku Mirnesu Ajanoviću da se drži rasprave o tački dnevnog reda, Emir Islamović (replika), Branko Romić (replika), Elvir Rožajac i Kruno Riđić.

Za riječ se javio Općinski načelnik koji je u svom obraćanju zahvalio se vijećnicima na datim komentarima, primjedbama i sugestijama. Dao je pojašnjenja u vezi diskusija vijećnika u raspravi.

Zatvorena je rasprava i predsjedavajući OV stavio je na izjašnjavanje Izveštaj/Izvješće o izvršenju budžeta/proračuna Općine Vareš za period januar/siječanj – jun/lipanj. 2018. godine uz Zaključak broj 2. Komisije za privredu, finansije i budžet koji glasi:

Komisija izražava nezadovoljstvo zbog prevelikog probijanja određenih stavki rashoda i ponovo sugeriše Općinskom vijeću, Općinskom načelniku i nadležnoj službi da se mjerama i aktivnostima izvrši racionalizacija troškova i da se krene sa realizacijom Odluke o trezorskom poslovanju.

Nakon izjašnjavanja vijećnika predsjedavajući OV konstatuje da je **sa 12 glasova „ZA“ i 6 glasova „PROTIV“ uz Zaključak Komisije usvojen**

***Izveštaj budžeta/proračuna Općine Vareš za period
januar/siječanj – jun/lipanj 2018. godine.***

Predsjedavajući OV dao je pauzu u trajanju od 20 minuta.
Nastavljeno je sa radom sjednice.

Ad. 2.

*(Prijedlog Odluke o izmjenama i dopunama
Odluke o općinskim administrativnim taksama.)*

Komisija za statutarna pitanja i propise na 13. sjednici održanoj 24.10.2018. godine jednoglasno je donijela sljedeći Zaključak:

- Komisija nema primjedbi na Prijedlog Odluke o izmjenama i dopunama Odluke o općinskim administrativnim taksama, te je upućuje Vijeću na razmatranje.

Pomoćnik načelnika Čedomir Jelić ispred ovlaštenog predlagača dao je pojašnjenje za ovu tačku dnevnog reda.

Općinski načelnik Zdravko Marošević u svom kratkom obraćanju upoznao je Vijeće da je donošenje ove Odluke slijed događaja i standarda koji se moraju uraditi po projektu Grupacije Svjetske banke, a sve u cilju poboljšanja transparentnosti i privlačenju investicija.

Otvorena je rasprava u kojoj su svoja mišljenja, pitanja i stavove iznijeli vijećnici: Safeta Muftić (uputila je molbu da se dostavljaju i temeljne odluke kad Vijeće razmatra dopune ili izmjene istih), Fadila Turki, Nikola Šimić (predložio je da Općina traži namirenje sredstava od Kantona, dao pojašnjenje) i predsjedavajući OV Adis Čizmo.

Pomoćnik načelnika Čedomir Jelić dao je odgovor vijećnici Fadili Turki u vezi kategorija koje su oslobođene plaćanja određenih taksi.

Zaključena je rasprava i predsjedavajući OV stavio je na izjašnjavanje Prijedlog Odluke o izmjenama i dopunama Odluke o općinskim administrativnim taksama.

Nakon izjašnjavanja vijećnika predsjedavajući OV konstatuje da je **jednoglasno sa (18 glasova „ZA“) usvojena**

***Odluka o izmjenama i dopunama
Odluke o općinskim administrativnim taksama.***

Ad.3.

*(Prijedlog Odluke o utvrđivanju
statusa javnog dobra u općoj upotrebi.)*

Komisija za statutarna pitanja i propise na 13. sjednici održanoj 24.10.2018. godine jednoglasno je donijela sljedeći Zaključak:

- Komisija nema primjedbi na Prijedlog Odluke o utvrđivanju statusa javnog dobra u općoj upotrebi, te je upućuje Vijeću na razmatranje.

Ovlašteni predlagač nije imao dodatno pojašnjenje za ovu tačku dnevnog reda.

Nije bilo rasprave po ovoj tački dnevnog reda i predsjedavajući OV stavio je na izjašnjanje Prijedlog Odluke o utvrđivanju statusa javnog dobra u općoj upotrebi.

Nakon izjašnjanja vijećnika predsjedavajući OV konstatuje da je **jednoglasno sa (18 glasova „ZA“)** usvojena

***Odluka o utvrđivanju statusa
javnog dobra u općoj upotrebi.***

Ad.4.

(Prijedlog Odluke o osnivanju Poslovne zone „Kram“.)

Komisija za statutarna pitanja i propise na 13. sjednici održanoj 24.10.2018. godine jednoglasno je donijela sljedeći Zaključak:

- Komisija nema primjedbi na Prijedlog Odluke o osnivanju Poslovne zone „Kram“, te je upućuje Vijeću na razmatranje.

Pomoćnik načelnika Ermin Musa ispred ovlaštenog predlagača dao je dodatno pojašnjenje za ovu tačku dnevnog reda.

Nije bilo rasprave po ovoj tački dnevnog reda i predsjedavajući OV stavio je na izjašnjanje Prijedlog Odluke o osnivanju Poslovne zone „Kram“.

Nakon izjašnjanja vijećnika predsjedavajući OV konstatuje da je **jednoglasno sa (18 glasova „ZA“)** usvojena

Odluka o osnivanju Poslovne zone „Kram“.

Ad.5.

*(Prijedlog Odluke o izmjeni Odluke o prosječnoj
konačnoj građevinskoj cijeni 1m² korisne stambene
površine na području općine Vareš za 2017. godinu.)*

Komisija za statutarna pitanja i propise na 13. sjednici održanoj 24.10.2018. godine jednoglasno je donijela sljedeći Zaključak:

- Komisija nema primjedbi na Prijedlog Odluke o izmjeni Odluke o prosječnoj konačnoj građevinskoj cijeni 1m² korisne stambene površine na području općine Vareš za 2017.godinu, te je upućuje Vijeću na razmatranje.

Ovlašteni predlagač nije imao dodatno pojašnjenje za ovu tačku dnevnog reda.

Nije bilo rasprave po ovoj tački dnevnog reda i predsjedavajući OV stavio je na izjašnjavanje Prijedlog Odluke o izmjeni Odluke o prosječnoj konačnoj građevinskoj cijeni 1m² korisne stambene površine na području općine Vareš za 2017.godinu.

Nakon izjašnjavanja vijećnika predsjedavajući OV konstatuje da je **jednoglasno sa (18 glasova „ZA“) usvojena**

***Odluka o izmjeni Odluke o prosječnoj konačnoj
građevinskoj cijeni 1m² korisne stambene
površine na području općine Vareš za 2017.godinu.***

Ad.6.

*(Prijedlog Saglasnosti o zauzimanju dijela putnog
pojasa izgradnje spomen obilježja-česme na lokalnom putu Pajtov Han-Striježevo.)*

Pomoćnik načelnika Ermin Musa ispred ovlaštenog predlagača dao je dodatno pojašnjenje za ovu tačku dnevnog reda kao i za tačku broj.7. jer se radi o istim materijama.

Otvorena je rasprava u kojoj su svoja mišljenja, stavove i pitanja iznijeli vijećnici: Safeta Muftić, Đemo Kevrić (kao predsjednik Mjesne zajednice Striježevo izjavio je da je MZ dala suglasnost da izgradnja spomen česme ne smeta putnom pojasu), Mario Mirčić, Kruno Ridić i Elvir Rožajac.

Općinski načelnik Zdravko Marošević i pomoćnik načelnika Ermin Musa dali su pojašnjenja na postavljena pitanja vijećnika koja se odnose na potrebne saglasnosti i zakonske procedure u vezi postupka izgradnje spomen česme.

Zaključena je rasprava i predsjedavajući OV stavio je na izjašnjavanje Prijedlog Saglasnosti o zauzimanju dijela putnog pojasa izgradnje spomen obilježja – česme na lokalnom putu Pajtov han – Striježevo.

Nakon izjašnjavanja vijećnika predsjedavajući OV konstatuje da je **jednoglasno sa (18 glasova „ZA“) usvojena**

***Saglasnost o zauzimanju dijela putnog pojasa
izgradnje spomen obilježja-česme na lokalnom putu Pajtov Han-Striježevo.***

Ad.7.

*(Prijedlog Saglasnosti o zauzimanju dijela
putnog pojasa radi izgradnje spomen obilježja u MZ Ligatići, općina Vareš.)*

Nije bilo rasprave po ovoj tački dnevnog reda i predsjedavajući OV stavio je na izjašnjavanje Prijedlog Saglasnosti o zauzimanju dijela putnog pojasa radi izgradnje spomen obilježja u MZ Ligatići, općina Vareš.

Nakon izjašnjavanja vijećnika predsjedavajući OV konstatuje da je **jednoglasno sa (18 glasova „ZA“) usvojena**

*Saglasnost o zauzimanju dijela putnog pojasa
radi izgradnje spomen obilježja u MZ Ligatići, općina Vareš.*

Ad.8.

(Prijedlog Programa finansiranja komunalnih djelatnosti za 2019. godinu.)

Ovlašteni predlagač nije imao dodatno pojašnjenje za ovu tačku dnevnog reda.

Otvorena je rasprava u kojoj su svoja mišljenja, primjedbe, sugestije i pitanja iznijeli vijećnici: Safeta Muftić (da li je sklopljen ugovor sa JPK za održavanje javne rasvjete), Elvir Rožajac (da se sredstva ravnomjerno rasporede i čiste sve ulice u gradu), Kruno Riđić (problem začepljena kanala od posipnog materijala) i Đemo Kevrić (da se termin zimskog održavanja produži do 15.04).

Općinski načelnik Zdravko Marošević dao je odgovor na neka postavljena pitanja u raspravi i izjavio da Općina nema sklopljen ugovor sa JKP u vezi zimskog održavanja, ali da ga Općina angažuje po potrebi o čemu je dao pojašnjenje.

Zaključena je rasprava i predsjedavajući OV stavio je na izjašnjavanje Prijedlog Programa finansiranja komunalnih djelatnosti za 2019. godinu.

Nakon izjašnjavanja vijećnika predsjedavajući OV konstatuje da je **jednoglasno sa (16 glasova „ZA“)** (odsutni vijećnici Safeta Muftić i Kenan Kamenjaš) **usvojen**

Program finansiranja komunalnih djelatnosti za 2019. godinu.

Ad.9.

*(Izveštaj/Izvešće o realizaciji Programa rada
Općinskog vijeća Vareš za prvo polugodište 2018. godine.)*

Sekretar OV Leon Pavlović dao je pojašnjenje za ovu tačku dnevnog reda.

Otvorena je rasprava u kojoj su učestvovali vijećnici: Kruno Riđić i Mirnes Ajanović.

Zaključena je rasprava i predsjedavajući OV stavio je na izjašnjavanje Izveštaj/Izvešće o realizaciji Programa rada Općinskog vijeća Vareš za prvo polugodište 2018. godine.

Nakon izjašnjavanja vijećnika predsjedavajući OV konstatuje da je **jednoglasno sa (16 glasova „ZA“)** (odsutni vijećnici Safeta Muftić i Kenan Kamenjaš) **usvojen**

*Izveštaj/Izvešće o realizaciji
Programa rada Općinskog vijeća Vareš za 2018. godinu.*

Iz opravdanih razloga vijećnik Mario Marošević je napustio sjednicu u 19,35 sati.

Ad.10.

(Informacija o stanju lokalne i regionalne putne mreže na području općine Vareš.)

Ovlašteni predlagač nije imao dodatno pojašnjenje za ovu tačku dnevnog reda.

Otvorena je rasprava u kojoj su svoja mišljenja, primjedbe, prijedloge i pitanja iznijeli vijećnici: Elvir Rožajac, Mirnes Ajanović, Kruno Riđić, Demo Kevrić, Mario Mirčić, Nikola Šimić, Emir Islamović, Demo Kevrić (replika), Mirnes Ajanović (predložio je održavanje tematske sjednice u vezi problema šuma i stanja na putevima i o istom dao pojašnjenje.

Općinski načelnik Zdravko Marošević u svom obraćanju dao je neka pojašnjenja na iznesene diskusije vijećnika u raspravi i izjavio da postoji veliki problem u vezi puteva ali da je najveći krivac uništenja pojedinih puteva ŠPD Zavidovići. Općina Vareš će raditi na poboljšanju stanja na putevima, o istom je dao obrazloženje.

Zaključena je rasprava i predsjedavajući OV **uz Zaključak konstatuje da je Vijeće primilo k znanju**

Informaciju o stanju lokalne i regionalne putne mreže na području općine Vareš.

Iz opravdanih razloga vijećnica Safeta Muftić napustila sjednicu u 20,00 sati.

Ad.11.

(Informacija o rekonstrukciji i izgradnji regionalnog puta R-444 Podlugovi-Breza-Vareš-Vijaka-Podkamensko i R-444a Vareš-Bobovac-Kraljeva Sutjeska.)

Ermin Musa pomoćnik načelnika izvijestio je Vijeće da je Informacija rađena u septembru mjesecu tekuće godine i da su svi ugovoreni poslovi u međuvremenu završeni.

Nije bilo rasprave po ovoj tački dnevnog reda i predsjedavajući OV **uz Zaključak konstatuje da je Vijeće primilo k znanju**

Informaciju o rekonstrukciji i izgradnji regionalnog puta R-444 Podlugovi-Breza-Vareš-Vijaka-Podkamensko i R-444a Vareš-Bobovac-Kraljeva Sutjeska.

Ad.12.

(Informacija o stipendiranju i stipendistima općine Vareš u 2017/2018. godini.)

Predlagač nije imao dodatno pojašnjenje za ovu tačku dnevnog reda.

Nije bilo rasprave po ovoj tački dnevnog reda i predsjedavajući OV **uz Zaključak konstatuje da je Vijeće primilo k znanju**

Informaciju o stipendiranju i stipendistima općine Vareš u 2017/2018. godini.

Ad.13.

(Informacija o stanju u oblasti prevoza u lokalnom i međugradskom saobraćaju na području općine Vareš.)

Predlagač nije imao dodatno pojašnjenje za ovu tačku dnevnog reda.

Otvorena je rasprava u kojoj su učestvovali vijećnici: Mirnes Ajanović, Elvir Rožajac i Općinski načelnik koji je na osnovu diskusije vijećnika u vezi prevoza (prvenstveno učenika) izjavio da postoji problem ali da je Ministarstvo obrazovanja nadležno za sklapanje ugovora sa autoprevoznicima. Općina u skladu sa svojim mogućnostima subvencira određene kategorije kad je u pitanju prevoz učenika i da će Općina raditi na rješavanju problema u skladu sa svojim mogućnostima.

Zaključena je rasprava i predsjedavajući OV **uz Zaključak konstatuje da je Vijeće primilo k znanju**

Informaciju o stanju u oblasti prevoza u lokalnom i međugradskom saobraćaju na području općine Vareš.

Ad.14.

(Informacija o stanju domova kulture, prostorija MZ-a i opremljenosti istih na području općine Vareš.)

Predlagač nije imao dodatno pojašnjenje za ovu tačku dnevnog reda.
Zamjenik predsjedavajućeg OV Nikola Šimić preuzeo vođenje sjednice OV.

Otvorena je rasprava u kojoj su učestvovali vijećnici: Elvir Rožajac (upoznao Vijeće sa problemom prostorije MZ Ravne), Krno Riđić (problem opremljenosti MZ računarskom opremom, mogućnost naplate za korištenje Radničkog doma), (*vođenje sjednice preuzeo predsjedavajući OV Adis Čizmo*) i Đemo Kevrić (da se iznađe mogućnost nabavke računarske opreme za veće MZ).

Općinski načelnik Zdravko Marošević iznio je svoje mišljenje u vezi diskusija vijećnika, stanja u svim mjesnim zajednicama i odgovorio na pitanja postavljena u raspravi.

Zaključena je rasprava i predsjedavajući OV **uz Zaključak konstatuje da je Vijeće primilo k znanju**

***Informaciju o stanju domova kulture, prostorija
MZ-a i opremljenosti istih na području općine Vareš.***

Ad.15.

*(Informacija o stanju i održavanju nacionalnih i kulturno-historijskih
spomenika i spomen-obilježja na području općine Vareš.)*

Predlagač nije imao dodatno pojašnjenje za ovu tačku dnevnog reda.

Otvorena je rasprava u kojoj su učestvovali vijećnici: Kruno Riđić i Elvir Rožajac.

Predsjedavajući OV izvijestio je prisutne da su on i Općinski načelnik bili u službenoj posjeti Načelnika Općine Kakanj gosp. Nermina Mandre, te da su razgovarali o eventualnim zajedničkim aktivnostima u vezi Kraljevskog grada Bobovac i Kraljeve Sutjeske.

Općinski načelnik Zdravko Marošević iznio je svoje mišljenje u vezi stanja spomenika na području općine Vareš i zahvalio se pojedinim udruženjima koji su radili na očuvanju spomenika iz prošlih ratova.

Zaključena je rasprava i predsjedavajući OV **uz Zaključak konstatuje da je Vijeće primilo k znanju**

***Informaciju o stanju i održavanju nacionalnih i kulturno-historijskih
spomenika i spomen-obilježja na području općine Vareš.***

Ad.16

(Tekuća pitanja)

Predsjedavajući OV upoznao je Vijeće sa pristiglom poštom i to:

1. Zahtjev za sanaciju puta Luke-Podkadarići, dostavljen od Savjeta MZ Kadarići, broj: 23/9 od 10.10.2018. godine. Zahtjev je proslijeđen Općinskom načelniku i nadležnoj službi za upravu na rješavanje i daljnje postupanje.

Općinski načelnik Zdravko Marošević u svom obraćanju izjavio je da je upoznat sa stanjem puta i da će put biti saniran u zavisnosti od raspoloživog vremena.

2. Zahtjev za poboljšanje bezbjednosne situacije (postavljenje „ležećih policajaca“ i radara), dostavljen od MZ Dabravine broj: 02-09/18 od 14.09.2018. godine. Zahtjev je proslijeđen Općinskom načelniku i nadležnoj službi za upravu na rješavanje i daljnje postupanje.

Općinski načelnik Zdravko Marošević u svom obraćanju izjavio je da je odmah intervenirao po pitanju ovog problema prema PS Vareš ali da još nismo dobili povratnu informaciju.

3. Informacija o problemu pasa lualica koji svakodnevno borave na greblju „Glavica“ dostavljen od IO Medžlis Vareš, broj: 02-10-OK-300/18 od 29.10.2018. godine. Zahtjev je proslijeđen Općinskom načelniku i nadležnoj službi za upravu na rješavanje i daljnje postupanje.

Općinski načelnik Zdravko Marošević u svom obraćanju izjavio je da je u razgovoru sa određenim ljudima da sklone i izmjestite pse lualice na drugo mjesto do nekog konačnog rješenja.

4. Zapisnik sa sastanka suvlasnika lokalnog vodovoda Sjenokos, dostavljen od suvlasnika vodovoda od 01.09.2018. godine.

Suvlasnicima vodovoda Sjenokos dostavljen je stav Općine Vareš (Općinskog načelnika) vezano za njihov Zapisnik oko uključivanja rezervoara u novi vodovod u izgradnji, broj: 02-1203/18 od 19.09.2018. godine.

5. Zaključak Nadzornog odbora JKP d.o.o. Vareš, broj 782-10/18 od 04.10.2018. godine u vezi naplate potraživanja od Općine Vareš.

Općinski načelnik upoznat je sa Zaključkom i o istom je iznio svoje mišljenje.

6. Zapisnik sa sastanka održanog 10.09.2018. godine u vezi rješavanja problematike snabdijevanja ogrjevnog drveta građana općine Vareš, broj: 02-1164/18 od 10.09.2018. godine. Predsjedavajući OV Adis Čizmo je izvijestio prisutne da su doneseni određeni Zaključci i da se prati njihovo izvršenje.

7. Dopis u vezi problema sa fasadama na objektima/zgradama u Vareš, dostavljen od JP „Vareš-stan“ d.o.o. Vareš, broj: 214/18 od 15.10.2018. godine.

Općinski načelnik upoznat je sa Dopisom i o istom je iznio svoje mišljenje.

Sastavni dio ovog Zapisnika je audio zapis sjednice.

Sjednica je završena u 21,15 sati.

SEKRETAR

Leon Pavlović

ZAPISNIČAR

Azra Pijadžer

***PREDSJEDAVALAČI
OPĆINSKOG VIJEĆA***

Adis Čizmo